



Oz ei il Di internaziunal dalla matematica



4
3
1
2

MARS

text: Chattrina Josty, illustraziun: Yvonne Gienal,
grafica: Theres Jöger, fotografia: Jörgen-Staubs
zambregid ha: Johanna Berthier
© Lia Rumantscha

KIDSFITSCH
Lia Rumantscha

 Schweizerische Eidgenossenschaft
Confédération suisse
Confederazione Svizzera
Confederaziun svizra
Uffiz federal da cultura UFC

Il Di internaziunal dalla matematica

En scola emprendas ti che matematica ei dumbrar e quintar. Per exempel plus e minus. El rom matematica emprendas ti era da mesirar e da plazzar ni designar musters, forsa schizun fuormas geometricas sco per exempel triaghels ni quadrats. Matematica dat ei denton buca mo en scola. Sch'ins mira bein, vesan ins dapertut matematica. Vesas ti en tiu mintgadi diembers, musters e fuormas? Gie, quei ei matematica. La matematica ei impurtonta per nosa veta. E perquei dat ei il Di internaziunal dalla matematica. Quel dat ei pér dapi 2020, cura che las Naziuns Unidas han decidu da far mintg'onn in tal di. La matematica gida nus da capir il mund ed ella gida nus da crear caussas. Ella tecnica drovan ins la matematica per construir maschinas, sco per exempel computers, autos ni aviuns. Mo era ella natira anflan ins matematica! Ina miscalca consista per


exempel da spiralas – spiralas ein in muster matematic. Ed era sin las alas dallas tschittas ha ei bia musters pigns ch'ei fetg regulars e matematicamein exacts.

Cheu in pèr exempels, nua che ti entaupas schiglioc aunc la matematica: Sche ti fas ina petta, stos ti pesar las ingredienzas.

Sche ti mettas a meisa, stos ti studegiar cons tagliors, contas savetschas, cons cuntials e cons tschaduns ch'ei drova.

Sche ti vul parter tia marena cun tes cumpogns, per exempel in meil, stos ti studegiar en contas parts che ti has da tagliar el.

Era giugs han savens da far cun matematica. E cun la matematica san ins giugar! Il motto dil Di dalla matematica 2024 ha perquei era num «Nus giughein cun la matematica»!







Ponderescha:
Tgei dat ei 1 ga?
Tgei dat ei 2 ga?
Tgei dat ei 3/4/5/6/... /1000 ga?
Tgei dat ei 1 milliun ga?

Giug da diembers

1

- 1 Malegia 10 quadrets cun mintgamai in diember dad 1 tochen 10 sin il catram.
- 2 Enquera miscalcas ni crappa e metta en mintga quadret la quantitat corrispudenta.

Sche ti fas il giug a casa, sas ti prender nuvs, cullas da veider, maruns, uviarchels da butteglias ni auters pigns objects.



Scatla da quintar

2

Ti drovas:

- ina scatla da zulprins gronda
- in toc cartun

- curals da lenn, carpetgels ni auters pigns objects
- material per decorar la scatla



Uffizi federal da cultura UFC

Schweizerische Eidgenossenschaft
Confédération suisse
Confederazione Svizzera
Confederaziun svizra



text: Charitina Josty, illustraziun: Yvonne Giemel,
grafica: Theres Jörgen, fotografia: Jörgen-Staubs
zambregida har: Johanna Berthier
© Lia Rumantscha

KIDSFITSCH
Lia Rumantscha

- 1 Taglia ora dad in toc cartun ina pintga spartida ch'ei empau pli gronda ch'ina mesa vart cuorta dalla scatla. Tacca la spartida ella scatla, circa enamiez.
- 2 Decorescha la scatla tenor tiu gust. Forsa vul ti decorar tia scatla cun tiu diember preferiu? Ni has in'otra idea?

Ussa quenta:

- Metta tschun curals ella scatla e scrola ella.
- Arva la scatla tochen alla spartida. Mira che la spartida seigi dalla vart che muossa encunter tei (sut).
- Emprova ussa da quintar: Cons curals vesas ti? Sche ti has mess tschun curals ella scatla, cons sesanflan da l'otra vart dalla spartida?
- Has giu raschun? Sche gie, metta aunc in cural ella scatla. Fai quei pass tochen ch'ei vegn stoda grev! Sch'igl ei memia grev, pren ora in cural ed emprova aunc in ga.

1



2

